

Hatua zilizochochuliwa na Umoja wa Ulaya ili kuboresha usalama wa chakula ulimwenguni



Uvamizi wa Urusi dhidi ya nchi ya Ukraine umehatarisha usalama wa chakula kwa mamilioni ya watu duniani kote, hasa kwa nchi zenye kipato cha chini ambazo zinategemea kuagiza chakula na mbolea kutoka nje.

Umoja wa Ulaya unachukua hatua ili kuhakikisha kwamba usalama wa chakula ulimwenguni unarejeshwa kupitia ushirikiano wa kimataifa. Pia tunaandaa msaada wa kibinadamu na usaidizi kwa wakulima walioathirika zaidi.



Msaada wa €210 milioni wa chakula kwa ajili ya walio wanyoge zaidi duniani

Kifurushi kipya cha msaada wa kibinadamu cha €210 milioni kitatolewa katika nchi 15, ikiwa ni hatua za kamati kuongeza msaada wa kusaidia wale walioathirika kwa kiasi kikubwa zaidi na athari za uhaba wa chakula zinazozidi kuongezeka ulimwenguni kote. Kwa ujumla msaada kutoka EU (Umoja wa Ulaya) wa uhakika wa kupata chakula duniani kote sasa unafika €8 bilioni, kati ya 2020 hadi 2024.



"Uvamizi wa Urusi dhidi ya Ukraine umeleta athari duniani kote. Inahusiana na maisha na riziki za mamilioni ya watu duniani kote ambao wana hofu kuwa hataweza kumudu gharama za kupasha joto makazi yao au kuvapatia chakula watoto wao."

Ursula von der Leyen, Raisi wa Tume ya Ulaya

Uchokozi wa Urusi unasababisha mzozo wa chakula ulimwenguni

Uvamizi wa Urusi dhidi ya Ukraine umekuwa na athari ya haraka kwa usalama wa chakula kwa mamilioni ya watu kote ulimwenguni. Gharama kwenye mnyororo wote wa uzalishaji wa chakula zimeongezeka. Ongezeko la gharama za nishati na mbolea limechofusha masoko ya kilimo, na mtririko wa kibishara kuelekea na kutoka Ukraine na Urusi umevurugwa.



Nchi ya Ukraine peke yake huzalisha zaidi ya nusu ya ngano inayosambazwa na Mpango wa Chakula Duniani. Ufyatuzaji wa risasi na makombora unafanya wakulima wa Ukraine washindwe kupanda mbegu.



Urusi kwa makusudi inalenga na kuharibu mashine za kilimo, hifadhi ya chakula, na miundombinu ya usindikaji na usafirishaji wa chakula nchini Ukraine.



Urusi inazuia usafirishaji wa chakula chake nje ya nchi na pia inazuia mamia ya meli zilizobeba ngano katika Bahari Nyeusi.



Vikwazo vya Umoja wa Ulaya vilivyowekwa dhidi ya Urusi na Belarus havijalenga sekta ya kilimo. Ununuzi, uagizaji na usafirishaji wa bidhaa za kilimo na chakula haupo kwenye marufuku iliyowekwa dhidi ya meli zenye kupeperusha bendera ya Urusi.

Jibu la Umoja wa Ulaya

Umoja wa Ulaya kama mshirika wa muda mrefu na wa kutegemea kwa nchi nyingi duniani kote, inafanya kazi ili kuhakikisha uwepo wa usalama wa chakula duniani na kujenga mifumo thabiti ya chakula.

Upatikanaji wa chakula kwa sasa hauko hatarini katika Umoja wa Ulaya, kwa kuwa bara hilo linajitosheleza kwa bidhaa nyingi za kilimo. Hata hivyo, sekta yetu ya kilimo huagiza kwa ujumla bidhaa maalum, kwa mfano protini za malisho. Udhaifu huu, pamoja na gharama kubwa za pembejeo, kama vile mbolea na nishati ya visukuku, husababisha changamoto za uzalishaji kwa wakulima na hatari ya kupanda kwa bei ya vyakula.

Tume ya Ulaya inapendekeza hatua mbalimbali za muda mfupi na wa kati ili kuimarisha usalama wa chakula duniani na kusaidia wakulima na walaji katika Umoja wa Ulaya katika kipindi ambacho kuna hali ya kupanda kwa bei ya vyakula na gharama za pembejeo.

Tunafanya yafuatayo:



tunasaidia kusafirisha nafaka kutoka Ukraine



tunasaidia watu walio katika mazingira magumu



tunaongeza uzalishaji wetu wa chakula



tunaondoa vikwazo vya biashara ya chakula na kukuza ushirikiano na pande mbalimbali

Tunaimarisha usalama wa chakula duniani

€8 bilioni

zimewekezwa na EU kwa ajili ya uhakika wa kupata chakula duniani (2020-2024)

Zaidi ya nchi 70

zitasaidiwa katika kuongeza ustahimilivu wa mifumo yake ya chakula



Athari za kimataifa kutokana na kupungua kwa uzalishaji wa mazao

Kupungua kwa uzalishaji na mauzo ya nje ya mazao kutoka Urusi na Ukraine kunaleta hatari kubwa ya upatikanaji wa chakula na uwezo wa kumudu gharama katika maeneo yaliyo jirani na Umoja wa Ulaya katika Afrika ya Kaskazini na Mashariki ya Kati, lakini pia katika Asia na Afrika Kusini mwa Jangwa la Sahara. Hili linahusisha hasa ngano, ambayo ni chakula kikuu cha msingi.

Tume imejitolea kuchukua hatua zote muhimu ili kuhakikisha kwamba Umoja wa Ulaya, kama muuzaji wa jumla wa chakula nje na mzalishaji mkuu wa mazao ya kilimo cha biashara, inachangia usalama wa chakula duniani. Umoja wa Ulaya unaongoza kwa kutoa msaada wa kibinadamu na maendeleo kwenye mifumo ya chakula na chakula.

Kuna uwezekano mkubwa kwamba mahitaji na gharama za kinadamu vyote vitaongezea na kuongeza shinikizo kwa msaada wa kibinadamu. Tangu 2015, EU imetumia sio chini ya €350 milioni, kwa mwaka, kwa ajili ya msaada wa chakula wa kibinadamu. Kati ya 2020 na 2024, EU inaweza €8 bilioni kwa ajili ya uhakika wa kupata chakula duniani. Katika kipindi cha 2021 hadi 2027, EU itasaidia mifumo ya chakula katika takriban nchi mbia 70.

- Mnamo tarehe 6 Aprili, Umoja wa Ulaya na Nchi Wanachama ziliahidhi zaidi ya €1 bilioni kushughulikia usalama wa chakula katika ukanda wa Sahel.
- Mnamo tarehe 26 Aprili, Umoja wa Ulaya na Nchi Wanachama ziliahidhi €633 milioni kwa ajili ya msaada wa haraka na kuimarisha mifumo ya chakula na ustahimilivu katika Pembe ya Afrika.
- Mnamo tarehe 24 Septemba, EU ilitoa €600 milioni kwa nchi zilizo za unyonge zaidi, za Afrika na Visiwa vya Karibi na Pasifiki, zilizokumbwa na janga la uhaba wa chakula.
- Mnamo tarehe 14 Novemba, Kamati ilitangaza kifurushi kipya cha msaada wa kibinadamu cha €210 milioni kwa ajili ya nchi 15, zilizoathirika kwa kiasi kikubwa zaidi na athari zinazoendelea kuongezeka za uhaba teketezi wa chakula.

Kwa ukanda jirani wa Kusini, Umoja wa Ulaya umepitisha fungu la msaada wa €225 milioni ili kupunguza athari za migogoro ya chakula inayoweza kutokea kutokana na utegemezi mkubwa wa uagizaji wa chakula ambao umevurugwa na vita.

Zaidi ya hayo, Umoja wa Ulaya kwa nguvu zote utaendelea kupigania kuepuka vikwazo vya kuiza nje na kupiga marufuku usafirishaji wa chakula, pamoja na kutengeneza soko la pamoja linalofanya kazi kwa ufanisi.

Mgogoro huu mkubwa unathibitisha kwamba tunahitaji kuharakisha mchakato wa mabadiliko ya mifumo wa chakula duniani kote kwa kuelekea kwenye mifumo endelevu na thabiti ili kujitandaa vyema kwa majanga yajayo. Kama utafiti wa Mkutano wa Umoja wa Mataifa wa Mifumo ya Chakula wa mwaka 2021, Tume inashirikika katika [miungano minane](#) ya kimataifa ambayo yote inalenga kuleta mabadiliko ya mifumo wa chakula, ustahimilivu na kuongeza uzalishaji endelevu wenye tija.

Msaada kwa Ukraine



Umoja wa Ulaya unafanya kazi kwa bidii ili kuweza kuondoa nafaka iliyozuwa nchini Ukraine iweze kufika katika masoko ya kimataifa, ili kuweza kuwapatia watu wa Ukraine kipato wanachohitaji sana na pia kuweza kuapatia Mpango wa Chakula Duniani mahitaji unayohitaji sana.

Umoja wa Ulaya unafungua njia za mshikamano na kufadhili njia tofauti za usafirishaji ili nafaka ya Ukraine iweze kufika nchi zilizo hatarini zaidi duniani.

Njia za Kimshikamano za EU

Shoroba kuu kwa Ukraine za mahuruji ya kilimo

Tani milioni 15

Mahuruji ya bidhaa za kilimo kutoka Ukraine kwa msaada wa njia za kimshikamano za EU

€1 bilioni

Imewekezwa na Kamati ya EU na wabia wake ili kuendeleza na kuupa msukumo uwezo wa shoroba

Umoja wa Ulaya pia unaongeza uzalishaji wake ili kupunguza shinikizo kwenye masoko ya chakula duniani, na unafanya kazi na Mpango wa Chakula Duniani ili hifadhi iliyopo na bidhaa za ziada ziwewe kufika nchi zilizo hatarini kwa bei nafuu.

Tume ya Ulaya pia inaiunga mkono Ukraine katika kuandaa na kutekeleza mkakati wa muda mfupi na wa kati wa usalama wa chakula ili kuhakikisha kwamba michango inafika mashambani pale inapowezekana, na kwamba vyombo vya usafiri na uhifadhi vinatunzwa ili kuwezesha nchi hiyo kulisha raia wake na hatimaye kurejesha udhibiti wa masoko lake ya nje.

Msaada kwa wakulima wa Umoja wa Ulaya



€500 milioni zitasambazwa katika mgao wa kitaifa ili kusaidia moja kwa moja wakulima walioathirika zaidi na gharama kubwa za pembejeo na kufungwa kwa masoko ya nje. Nchi za Umoja wa Ulaya zinaweza kukamilisha usaidizi huu hadi 200% kwa fedha za kitaifa.

Ili kushughulikia matatizo ya mzunguko wa fedha yanayowakabili wakulima kwa sasa, nchi za Umoja wa Ulaya zitaruhusiwa kulipa viwango vilivyongezwa vya malipo ya moja kwa moja ya CAP mapema.

Tume imekwisha:

- imekwisha kutoa kibali maalumu na kisicho cha moja kwa moja kwa kushusha hadhi ya ardhi iliyotengwa ndani ya Umoja wa Ulaya ili kuruhusu uzalishaji wa mazao kwenye ardhi hiyo, huku ikihakikisha malipo kamili kwa wakulima watakaotumia njia za kilimo rafiki
- impendekeza Mifumo mpya wa kukabiliana na Migogoro ya Muda Mfupi ambao pia utajumuisha wakulima, uzalishaji wa mbolea na sekta ya uvuvi

Tume pia itanzisha hatua za jumla za usalama wa soko ili kusaidia soko la nyama ya nguruwe kwa kuzingatia hali ngumu inayoikabili sekta hiyo.

Msaada kwa walaji wa Umoja wa Ulaya



Hatua za kuboresha usambazaji wa vyakula vikuu zitasaidia kupunguza shinikizo la bei.

Nchi Wanachama wa Umoja wa Ulaya pia zinaweza kutekeleza punguzo la viwango vya kodi ya ongezeko la thamani na kuhimiza waendesha uchumi kudhibiti bei za rejareja.

Zaidi ya hayo, Nchi Wanachama zinaweza kuchukua fedha kutoka kwenye mifumo ya Umoja wa Ulaya kama vile Mfuko wa Kuzisaidia Nchi za Umoja wa Ulaya Zilizothirika Zaidi (FEAD) ambayo inasaidia hatua za nchi za Umoja wa Ulaya kutoa chakula na/au usaidizi wa kimsingi kwa walioathirika zaidi.

Ustahimilivu na uendelevu wa mifumo yetu ya chakula

Kuimarisha ustahimilivu kwa kupunguza utegemezi wa kilimo cha Ulaya kwenye nishati, uagizaji wa kiasi kikubwa cha nishati na uagizaji wa malisho kwa sasa ni jambo la muhimu zaidi kuliko hapo awali. Ustahimilivu unahitaji kuwa na vyanzo mseto vya kuagiza kutoka kwenye masoko ya nje na milango ya kimasoko kupita sera thabiti ya biashara ya pande nyingi na baina ya nchi mbalimbali.